



Rosendal Songlag og Røysterett for alle syng Mariamusikken saman i Kvinnheradkyrkja. (Foto: Ola Matti Mathisen)

Haustsesongen har forlengst kome i gong i songkora i kommunen. Det begynner å bli temperatur på øvingane, og dirigent Maria Malmsten jobbar målretta i Rosendal Songlag og Røysterett for alle.

Ho ventar disiplin, reine tonar og god rytme frå koristane.

Laurdag, 2. oktober, skal det nemleg vera konsert. Rosendal Songlag har gleda av å vera vertskor og arrangør av minisongarstemne i Rosendal Samfunnshus.

Då kjem Røysterett for alle, Husnes blandakor, Kammerkoret, Halsnøy Strupeband, Kammerkoret Gneis og Rosendal Songlag saman og håpar å gjei fin oppleving til dei som kjem på konsert denne ettermiddagen.

Dei skal syngja 4 – 5 nummer kvar samt eit fellesnummer. Tilfellet ville at Kammerkoret Gneis frå Bergen og dirigent Tore Kloster hadde planlagt tur til Kvinnherad, og vi er svært nøgde med at dei vil delta på vår konsert.

Jazzverket og Ole Jakob Hystad skal spela; saman med 2 av kora, men også åleine. Arrangøren set stor pris på at dei kan vera med
Kora er ulike, så vi kan by på eit variert program.

Vi legg inn ein pause der både publikum og songarar kan få seg ein kopp te eller kaffi og noko å bita i: kake, bollar, frukt mm. Då vert det også åresal.
Siste avdeling av konserten vert avslutta med fellesnummer.

Sveinung Sandvik skal vera konferansier.

Rosendal Songlag